

BAB 5: SISTEM KEWANGAN

Syarikat Wawasan Plastics Berhad mengeluarkan pelbagai barangan plastik untuk pasaran tempatan dan pasaran antarabangsa. Sebagai peneraju pasaran, Syarikat Wawasan menggunakan teknologi terkini untuk menghasilkan barangan plastik dengan menggunakan mesin yang diimport dari Taiwan.

Syarikat Wawasan akan membuka sebuah kilang baru di Pahang dengan kos bernilai RM600 juta. Kilang ini terletak di Kawasan Perindustrian Gebeng. Kilang baru ini juga letak berdekatan dengan pelabuhan Kuantan dan ini akan memudahkan aktiviti eksport keluaran syarikat ini ke pasaran China dan Jepun. Bahan mentah kilang ini diperoleh dari Kemaman, Terengganu yang merupakan pusat pemprosesan petrokimia.

1. Sekiranya En Remy Ishak merupakan Pengurus Kewangan Syarikat Wawasan Plastics Bhd, beliau akan terlibat berurusan dengan pelbagai jenis pasaran. Jelaskan jenis-jenis pasaran kewangan yang berikut beserta contoh yang bersesuaian: [4 markah]

a) Pasaran Modal

- Usaha firma untuk mendapatkan dana jangka panjang yang terdiri daripada pasaran saham dan pasaran bon/sukuk untuk pelaburan dalam loji, teknologi dan mesin. (1m)
- Pasaran yang memindahkan sekuriti jangka panjang yang diterbitkan oleh kerajaan dan badan perdagangan swasta kepada pelabur. (1m)
- Contohnya En Remy Ishak akan terlibat dalam penerbitan saham biasa untuk menambahkan dana sedia ada. (1m)

a) Pasaran Pertukaran Mata Wang Asing

- Melibatkan urusan bagi matawang antara bank dan institusi kewangan antara satu mata wang kepada mata wang lain seperti Won (Korea), Dollar (Amerika) dll (1m) ATAU
- Merujuk kepada menentukan kadar pertukaran berdasarkan permintaan dan penawaran matawang. (1m)
- Contohnya En Remy Ishak akan terlibat dalam menukarkan matawang RM kepada Dollar Taiwan kerana transaksi pembayaran atas pembelian mesin. (1m)

2. Jelaskan tiga (3) fungsi pasaran kewangan kepada Syarikat Wawasan Plastics Bhd [6 markah]

a) Kecairan

- Menyediakan mekanisme untuk jualbeli instrumen (contohnya ekuiti dan bon) kewangan dengan lebih cepat dan murah. Instrumen kewangan mempunyai tahap kecairan yang tinggi dan boleh diurusniaga dengan cepat. Tahap kecairan yang tinggi juga membolehkan sekuriti tersebut dijual dengan lebih murah.
- Contohnya, unit saham Syarikat Wawasan bertukar tangan dengan pantas melalui urusanniaga di Bursa Malaysia.

b) Mengintegrasikan maklumat pasaran

- Menyediakan maklumat berkaitan dengan pasaran seperti jangkaan pulangan, risiko, kadar faedah dan peserta pasaran. Membenarkan penjual dan pembeli berinteraksi untuk menentukan harga instrumen kewangan. Memudahkan individu membuat keputusan membeli dan menjual instrumen kewangan.
- Contohnya, pelabur yang berminat membeli saham Syarikat Wawasan boleh mendapatkan maklumat berkaitan dengan harga pembukaan, harga penutup, volum jualan, nisbah harga pendapatan yang dibekalkan oleh Bursa Malaysia di suratkhbar.

c) Pertukaran risiko

- Risiko kewangan berkaitan analisis konsep statistik (min, varian, sisihan piawai, kovarian dan korelasi) yang menerangkan serakan pulangan di sekitar jangkaan pulangan. Melalui urusanniaga jualbeli instrumen kewangan risiko akan bertukar tangan antara penjual dan pembeli.
- Contohnya, Syarikat Wawasan akan terlibat dalam melakukan analisis terhadap risiko pasaran, risiko kecairan, risiko kredit, risiko operasi, risiko sistematik dan risiko nilai matawang.

Fakta: $1m \times 3 = 3m$

Huraian dan kaitan kes: $1m \times 3 = 3m$

3. Terangkan tiga (3) fungsi Bank Negara Malaysia kepada En Remy Ishak. [6 markah]

- a) untuk merumuskan dan mengendalikan dasar monetari di Malaysia;
- b) untuk mengeluarkan mata wang di Malaysia;
- c) untuk mengawal selia dan menyelia institusi kewangan yang tertakluk kepada undang-undang yang dikuatkuasakan oleh Bank;
- d) untuk mengadakan pengawasan ke atas pasaran wang dan pasaran pertukaran asing;
- e) untuk menjalankan pengawasan ke atas sistem pembayaran;

Mana-mana 3 jawapan Fakta: $1m \times 3 = 3m$

Huraian dan kaitan kes: $1m \times 3 = 3m$

4. En Remy Ishak akan terlibat di dalam pengurusan pelbagai bentuk pembiayaan untuk membantu melancarkan urusan perniagaan syarikat. Terangkan dengan ringkas setiap bentuk pembiayaan kewangan berikut:

- a) Kredit perdagangan [2 markah]
 - Kemudahan kredit yang disediakan oleh pembekal kepada peniaga atau membeli secara hutang, diperolehi apabila hubungan peniaga dengan pembekal telah lama terjalin serta yakin dengan prestasi peniaga dengan terma seperti 2/10 net 30. (1m)
 - Contohnya En Remy Ishak akan membayar pembekal bahan mentah di Kemaman Terengganu. (1m)
- b) Nota janji [2 markah]
 - Nota janji tidak bercagar yang dikeluarkan oleh pihak bank atau syarikat korporat bagi mendapatkan tunai. Dikeluarkan pada nilai lebih rendah dari nilai matang. Tempoh matangnya selalu antara satu hingga 270 hari atau enam bulan. (1m)
 - Contohnya En Remy Ishak akan membuat perjanjian dengan pihak Bank Of Dollar untuk mendapatkan tunai dalam tempoh 90 hari untuk menampung kekurangan tunai syarikat. (1m)
- c) Saham biasa [2 markah]
 - Saham yang menunjukkan pemilikan dalam syarikat. (1m)
 - Contohnya En Remy Ishak akan menerbitkan 25 juta unit saham baru selaras dengan perancangan syarikat yang akan membuka sebuah kilang baru di Pahang dengan kos bernilai RM600 juta. (1m)
- d) Overdraf [2 markah]
 - Kemudahan kredit yang diberikan oleh bank perdagangan kepada pemegang akaun semasa untuk mengeluarkan wang melebihi baki yang terdapat dalam akaunnya setakat had yang ditetapkan bagi tempoh setahun dengan kadar faedah tertentu. (1m)
 - Contohnya En Remy Ishak akan membuat overdraf sebanyak RM 15,000 dari Bank YZZ. (1m)
- e) Bon [2 markah]
 - Ialah nota janji jangka panjang yang dikeluarkan oleh syarikat di mana syarikat berjanji akan membayar faedah dan prinsipal pada waktu yang telah ditetapkan kepada pemegang-pemegang bon. Satu penyata yang memiliki nilai muka. (1m)
 - Contohnya En Remy Ishak akan menerbitkan 25 juta unit bon baru selama 10 tahun selaras dengan perancangan syarikat yang akan membuka sebuah kilang baru di Pahang dengan kos bernilai RM600 juta. (1m)

5. En Remy Ishak sebagai Pengurus kewangan Syarikat Wawasan Plastics Bhd ingin menerbitkan 25 juta unit saham baru selaras dengan perancangan syarikat yang akan membuka sebuah kilang baru di Pahang dengan kos bernilai RM600 juta.

Jelaskan dua (2) kos yang terlibat dalam menerbitkan saham tersebut. [6 markah]

- a) Kos pengapungan
 - Kos yang terlibat dalam sesuatu terbitan sekuriti baharu meliputi kos penaja pelaburan, percetakan, undang-undang dan perakaunan. (1m)
 - Contohnya, En Remy Ishak membayar kos guaman sebanyak RM 30,000 untuk terbitan saham biasanya. (1m)
- b) Duti setem

- Cukai yang dikenakan dalam bentuk setem terhadap sesuatu dokumen perjanjian atau pindah hak milik. (1m)
 - Contohnya, En Remy Ishak membayar duti setem bernilai RM1000 atas borang perjanjian terbitan sahamnya. (1m)
6. Prinsip 5C selalunya digunakan dalam pengurusan kredit dalam mengukur kualiti kredit pelanggan yang memohon kredit. Sekiranya Syarikat Wawasan Plastics Bhd ingin membuat pinjaman jangka panjang dari Bank Pembangunan, huraikan **lima (5)** prinsip yang akan digunakan oleh Bank Pembangunan untuk meluluskan pinjaman tersebut. [15 markah]
- a) **Modal (Capital)**
- Kedudukan kewangan pelanggan berpandukan analisis penyata kewangan pelanggan.
 - Penekanan kepada kedudukan ekuiti dan nisbah-nisbah risiko seperti nisbah semasa, nisbah hutang dan nisbah perlindungan faedah.
 - Contohnya pihak bank akan menganalisis penyata kewangan Syarikat Wawasan menggunakan nisbah risiko untuk mengetahui kedudukan kewangan samada kukuh atau tidak
- b) **Keupayaan (Capability)**
- Kemampuan pelanggan untuk membayar hutang yang diukur melalui aliran tunai daripada perniagaan.
 - Keupayaan akan juga dilihat dari daya maju projek dalam menjana aliran tunai positif.
 - Perlu juga melihat dari segi pematuhan undang-undang dan syarat-syarat pinjaman
 - Contohnya pihak bank akan melihat keupayaan Syarikat Wawasan untuk membayar hutang yang diukur melalui aliran tunai dan daya maju projek dalam menjana aliran tunai positif serta pematuhan undang-undang dan syarat-syarat pinjaman
- c) **Perwatakan (Credibility)**
- Keperibadian pelanggan dalam menunaikan janji untuk membayar hutang dalam tempoh masa yang djanjikan.
 - Faktor moral pelanggan diambilkira seperti laporan kredit pelanggan akan cuba didapati daripada pihak bank pelanggan, pembekal kredit lain dan pesaing-pesaing mengenai maklumat
 - Contohnya pihak bank akan melihat keupayaan Syarikat Wawasan untuk menunaikan janji untuk membayar hutang dalam tempoh masa ditetapkan melalui laporan kredit dari pembekal dan pihak bank lain
- d) **Suasana (Condition)**
- Keadaan ekonomi dan persekitaran atau sebarang aktiviti pembangunan baru yang dapat mempengaruhi sesuatu perniagaan dan menyebabkan peminjam tidak mampu untuk bayar hutang.
- Contohnya pihak bank akan melihat keadaan ekonomi samada berlaku kemelesetan atau inflasi yang teruk yang akan mempengaruhi Syarikat Wawasan dan menyebabkan peminjam tidak dapat membayar hutang
- e) **Cagaran (Collateral)**
- Cagaran diperlukan bagi mengurangkan risiko kerugian jika pelanggan tidak mampu bayar pinjaman
 - Cagaran aset tetap yang mungkin disandarkan oleh pelanggan sebagai jaminan.
 - Jaminan aset tetap yang disandarkan ini selalunya dapat menolong memudahkan pelanggan mendapatkan kredit pada kadar yang lebih rendah.
 - Bagi pelanggan yang tidak dapat menyediakan aset sebagai cagaran, penjamin yang mempunyai pendapatan yang kukuh diperlukan.
 - Contohnya pihak bank akan memerlukan cagaran aset tetap dari Syarikat Wawasan untuk dijadikan jaminan bagi mengurangkan risiko kerugian jika pelanggan tidak mampu membayar pinjaman